

Vuk'uzenzele

Produced by: Government Communication & Information System (GCIS)

English/Setswana

Phatwe Kgatiso 2




GBVF's lifelong effects on children
Page 5

Banyana Banyana inspires future soccer stars
Page 16

JOBS INSIDE:

Dr Nndanganeni explores the galaxy



■ Dr Rendani Nndanganeni loves researching the impact of radiation on aviation.

More Matshediso

Nearly 10 years of tertiary study and a passion for physical science earned Dr Rendani Nndanganeni (33) her dream job as a space science researcher at the South African National Space Agency (SANSA).

SANSA is a government agency that reports to the Department of Science and Technology, and is part of the worldwide network of space weather centres and magnetic observatories. It plays an important part in monitoring the near-Earth space environment.

In simple terms, the agency works mainly with satellites.

After completing matric in rural Limpopo, Dr Nndanganeni's decade of tertiary

• Cont. on Page 2



ALSO AVAILABLE ON:



@VukuzenzeleNews

Vuk'uzenzele

National Orders nomination information inside.



FREE COPY NOT FOR SALE

Ditlamorago tsa GBVF mo botshelo jotlhe jwa bana

GBVF E KA NNA le ditlamorago tse di maswe mo itekanelong ya bana mo mmeleng, mo kgolong le mo tswelapeleng.



Allison Cooper

Bana ba ba golelang mo malapeng a a renang Tirisodikgoka e e Totileng Batho ba Bong jo bo Rileng le Dipolao tsa Basadi (GBVF), go le gantsi ba latlhegelwa ke tshepo mo botshelong.

Seno ke go ya ka Ngaka Dudu Ngubeni, ngaka ya malwetse a dingalo kwa Lefapheng la Boitekanelo la Gauteng, yo a totobaditseng gore mefuta yotlhe ya GBVF ke kgatakako ya ditshwanelo tsa bana.

GBVF e kaya tirisodikgoka e e totileng motho mongwe kgotsa ditlhophang dingwe, go lebeletswe bong jwa bona.

"GBVF ke sengwe se se utlwisang botlhoko lefatshe ka bophara mme dipalopalo tsa yona di bontsha fa mo Aforika Borwa di le kwa godimo phelelela" o rialo Ngaka Ngubeni.

"Akanya fela gore petelelo le go betsana di dira eng mo baneng. Mo godimo ga dinto mo mmeleng le kutlwisobotlhoko e e seng kana ka sepe mo maikutlong e leng tse di ka tlhotlheletsang motho go ipolaya, go na gape le matsapa a dikamano, a mamodula le a go se amogelwe," o tlaletsa ka go rialo.

Ditlamorago tsa go tsaya lobaka lo lo leele

Ditlamorago tsa GBVF mo baneng di farologane ka ntlha ya mabaka a a farologaneng a a jaaka mofuta wa yona, e diragala ga kae mmogo le bogolo jwa yona. Dingwe tse di gatelelang maikutlo mo malapeng, ke dilo tse di jaaka batsadi ba ba nang le bolwetse

jwa tlhologanyo kgotsa tirisobotlhaswa ya diritibatsi, mme di ka etegetsa bothata jono.

GBVF e ka nna ya go tlabana ka mafoko, go tshwarana ka di-aparo, go betelwa kgotsa go tobekana maikutlo. "Bana ba iphitlhela ba le mo bothateng jo bo etegelang pele jwa kgatelelo ya maikutlo le maitsholo a a sa siamang, go sa kgathalesege gore e ne e diragala mo go bona kgotsa mo bathong ba bangwe ba ba leng gaufi le bona," o rialo Ngaka Ngubeni.

"Go dikwalo tse di tlhalosang ka kakaretso fa banna e le bona ba ba tsogelanang maatla le taolo mo basading le mo baneng, mme go le gantsi ba dira seno ka go dirisa dikgoka. GBVF e utswetsa bana maemo a tikologo a a tla ba kgontshang go tswelapela bokgoni jwa bona ka botlalo.

Ba ka nna bana ba ba tlhokang kutlwelobotlhoko ka ntlha ya pogiso eno mme ba simolola go bona tirisodikgoka e le sengwe se se letleletsweng go dirisiwa go fitlhelela seo ba se batlang," o tlaletsa ka go rialo.

Bana ba ba nnye ba ba bonang kgotsa ba itemogela GBVF ba ka bontsha letshogo kgotsa go boifa go go feteletseng; kgatelelo ya maikutlo; go latlhegelwa ke kgatlhegelo ya go tsena sekolo, ditsala kgotsa dilo dingwe tse ba nang ba rata go di dira mo malobeng, ba ka nna le matsapa a go tlhobaefa fa ba robala, go akarediwa le go tshwarwa ke digateledi kgotsa go kolobetsa dikobo; ba ka nna le tshakgalo e e seng kana ka sepe, ba nna ba befetswe kgotsa ba simolola go nna le diphetogo ka fao ba jang ka teng.

Bana ba ba golwanyane ba samagana le kgwetlho eno ka mekgwa e esa tshwaneng. Bana ba basimane ba ka thubela pelo mo bathong, ka go phela ba tshakgetse, ba dirisa dikgoka go rarabolola mathata; kgotsa go dirisa bojalwa kgotsa diritibatsi go thibela dikakanyo le megopolo e e sa ba itumediseng.

Basetsana go le gantsi ba nna kgatelelo kamarago. Ba ka ikgogela morago, ba etsaetsega kgotsa ba nna le kgatelelo ya maikutlo; ba simolola go ja ka tsela e e sa tshwanelang le go ikgobatsa ka go itshega kgotsa go dirisa bojalwa kgotsa diritibatsi.

"GBVF e utswetsa bana maemo a tikologo a a tla ba kgontshang go tswelapela bokgoni jwa bona ka botlalo."

Go le gantsi, matsadi a GBVF mo baneng a nna lobaka lo lo leele morago ga tlhokofatso eno ka bo yona e sa bolo go fela. Fa ba gola bana bano go le gantsi go ka nna le kgonagalo ya gore ba iphitlhela ba le mo dikgolaganong tse go renang tirisodikgoka. "Dipatlisiso di ribolotse gore bana ba ba iphitlhela ba le ka fa gare ga thagaraga ya GBVF ba ka gola ba dumela mo go se lekalekaneng ga bong, fa go tla mo botsalanong le mo setshabeng.

Ka ntlha ya seno, le bone ba iphitlhela ba nosetsa moodi wa maemo a a ka dirang gore go nne le kgonagalo ya tiragalo ya GBVF gape," Ngaka Ngubeni o a tlhalosa.

Bana e ka tsoga e le bona batlhotlheletsi ba ditiro tsa GBVF

Siliziwe Mbambo, modirediloago wa tshireletso ya bana wa kwa Tikwatikweng ya Saartjie Baartman ya Basadi le Bana (SBCWC), o a dumelana.

"Moragonyana mo botselong, ngwana a ka iphitlhela e le yo mongwe wa batlhokofatsi ba GBVF kgotsa a iphitlhela e le yo mongwe wa bao ba dirisang botlhaswa diritibatsi," o rialo.

SBCWC ke yona e dirang ka dikgetse tse di ntshwa tsa GBVF letsatsi le lengwe le le lengwe. "Bana ba le bantsi ba ama ke ditiragalo tsa GBVF di ka tswa di ba diragalela kgotsa di diragalela ba ba ba ratang, mme seno se ba baya mo kotsing e kgolo. Tikwatikwe eno e itemogetse gape le kgolo ya palo ya batho ba ba tlhokang ditirelo mme go le gantsi moodi wa seno ke GBVF," o rialo Mbambo.

Mo tiragalong nngwe, ngwana o ne a batla go ipolaya ka ntlha ya go tlhoka tshetsetse, lerato le go nwa tsebe ke batsadi. "Batsadi ba ne ba phela ba lwetse ruri ka go tlabana ka mafoko le ka go tshwarana ka diaparo fa pele ga bana. Ka ntlha ya seno, ngwana o ne a felelwa ke matla a go tsena sekolo le a go nna le ditoro ka bokamoso jwa gagwe," o rialo Mbambo.

Go le gantsi bana ba ithuta

go tswa mo maitsholong a batho ba bangwe. Bana ba basimane ba ithuta go tswa mo borraabona go melela basadi dinaka. Bana ba basetsana ba ithuta go tswa mo bommaabo gore go ketekiwa ke sengwe se se tlwaelegile e bile se a itshokelwa. Le fa go le jalo, ga se bana botlho ba gatang fa tlhako ya pele e gatileng. Bontsi bo leka go se dire diphoso tse di tshwanang le tsa batsadi ba bona.

Bana ba banyane le ba bosima ba ba iphitlhela ba le ka fa gare ga ditiragalo tsa GBVF ba tshwanetse go lekolwa ke moitseanape yo o katisitsweng wa boitekanelo jwa tlhogo le maikutlo, yo o tla dirang dikatlantlanegiso tse di matshwanedi tsa kalafi ya bothata jwa maikutlo le jwa maitsholo. Kalafi e ka akaretse ya go thobiwa ga maikutlo go oka dingalo, mme fa gongwe meriana e ka thusa. Motsadi kgotsa motlhokomedi wa ngwana yo a sa tsogelaneng dikgoka le ena o tlhoka thuso. ■

Go bona tshedimosetso ka botlalo ka ga go bonela bana ba ba amang ke GBVF thuso, ikgolaganye le GBV Command Centre ka mogala wa thuso o o sa duelelweng mo go: 0800 428 428 kgotsa kopa modirediloago go go letsetsa ka go tobetsa *120*7867# go tswa mo mogaleng wa gago wa mo seatleng.

O ka letsetsa gape le Mogala wa Thuso wa Stop Gender Violence mo go: 0800 150 150 kgotsa wa letsetse le SBCWC mo go: 021 633 5287.